

1579  
Deo optimo maximo uni & trino, Virgini Deiparæ, & sancto Luca orthodoxorum Medicorum Patrono.

## QUÆSTIO MEDICA.

Quodlibetariis disputationibus manè discutienda in Scholis Medicorum, die Jovis vigesimâ-tertiâ Decembris, 1706.

M. JOANNE BAPTISTA ENGUEHARD, Doctore Medico, Præside.

*An Medicina sit adjectio deficientium, detractio redundantium?*

**M**EDICINA spirans est imitatio naturæ: in hanc acriter defixa sensus admoveat rationis quæ faciem, quâ propius intuetur archetypum ac effingit; ab eo decedere vel minimum medicinæ nefas, & instar picturæ moli, coloribus, lineamentis, characteribus unis immorari. Intinam exquirat corporis substantiam, compagē, temperamentum, texturam investigat partium, discrimina, cohesionem, situm, communionem, canales, quæ fulcantur, usus & officia, quibus defunguntur. Accuratè notat infinitam ductum ex truncis disparibus in furculos innumerabiles fruticantium seriem obviis passim diverticulis huc illuc oberrantem; tam concinnos quoque tot organorum utilitatis, sic ordinis gradibus discretorum apparatus: ex iis omnibus invicem implexis, aut inter se communicantibus miræ liquorum utilium deductiones intrò, miræ superfluum vacationes foras consequuntur. Solidis partibus sic affabè textum, liquidis jugiter irrigatum, & hæc illac perfluens intrâ modum stare ac vigere corpus (monstrante sensu) didicit divinus senex, artem ideo naturæ studiosam ac æmulam adjectione deficientium, redundantium detractioe contineri jure pronuntiavit.

**U**T sensus primam sufficit naturæ imaginem menti, sic continuâ observatione mens vivam exprimit ejus tabellam ac in se recondit. In hanc intenta novit veros naturæ motus, inclinationes, auctus, decrementa; mutationes ratione temperamenti, sexûs, ætatis, cæli solive, anni tempestatum, varii vitæ defidis, aut actuosæ generis, & istius modi adjunctorum quæ afficitur in dies, & fugiendis petenda discernit. Ist hæc singula maturo & acri perpendens examine ratio non dedignatur confortium observationis & imperium, illius se legibus attingit lubens, nihil appingit naturæ dissonum, nec ultrâ citrà quæ vagatur nubes, & inania captans. Hæc fuit norma divini sensus, qui vagientem in cunis, & voces reddere nesciam adhuc medicinam aluit, eduxit, & certo incedentem pede firmavit. Omnem sub tanto cultore vigorem ferè consequuta, quot verba, tot protulit oracula in hominum salutem, cujus, quam poris est, servandæ sibi conscia floreret in præsens, ni transvolans vestigia ducis ante se posita lubricis & fallentibus insisteret. Nunc quis medicinæ statum an vultus idem, eadem forma sibi & naturæ per omnia consentiens? hæc sublimes rûatur Matheosæ leges, quarum ad numeros & libellam expendi naturam, & eam, dum fertur in ruinam præceps, calculus & librationibus incassum metitur: illa patrios fastidit cancellos fundi vicini amore capta, patentes in immensum percurrit physicæ campos, nunc Epicuri, Aristotelis, nunc Cartesii, Paracelsi jurans in verba, versicolor hæc & illa plerùmque confundens, operum sterilis, & effecta, morosa semper, & alterationem ferax. Diogenes meridianâ luce vel accensâ face non intenosceret nobilem hanc matronam sic ludicram, sic personatam; rideret Democritus, Heraclitus infortunatam, aut ademptam lugeret. Fucum exuet formam resumptura, si naturam operantem solis ac irretitis observationis & comitis individuae rationis oculis assiduissem contempleretur.

**N**ATURAM hominis immortalem partim, partim & mortalem exigæ & aquâ, facultate dissidentibus, usu consentientibus constitutam Hippocrates affirmavit. Utriusque felici in semine connubio vita primulūm occipit: ignis confusus humoris moleculas evolvit, suis aptat locis, & alias ex aliis pendentes & concatenatas distendit rore novo, paulatim adauget & ad debitam magnitudinem perducit. In ortu, progressu, statu, vis ejus negotiosa semper, five formet ex humore corpus, five cudad humorem in corporis officinis, incunet alibilem cogatque in partium intervallis, super vacuum extrudat ex incerniculis, seu partes ipsas, dum intimè subit è perpendiculo dimotas ad agendum impellat. Alterum alterius poscit opem principium ad vitæ tutelam, utrumvis seorsum satis non est, alioquin motus deesset, aut alimentum. Ambo sufficiunt tūm aliis omnibus, tūm sibi mutuò: ignis omnia per omnia movet, aqua omnia in omnibus nutrit. Utriusque conjugio debet adesse motus, non æquilibrium, æquilibrio feriantur: modò superant, & superantur: igne superante minuitur humor ac deficit, superato redundat ac superfluit, sic gratâ ignis superantis, & superati vice adjectio deficientium detractio redundantium, & adjectioni deficientium detractio redundantium succedit.

**I**GNIS & aqua mutuâ virium temperatione coeunt in unum & ἕκαστον τὸ ἵδιον componunt. Calidum innatum five sit insitum partibus in primâ origine, five lisdem allabatur à conformatione, numquam feriat ab opere, & sui proinde facit jacturam. Radiat assiduâ motione particularum, & eundo vires acquirit; pari deterior earum fluxione, & in momenta dissipatur. Sic quem profert gradum ad vitam, eundem ad interitum festinat, ni similibus appositis damna resarciret: ruenti consulit fulturæ cibo poruque, ex iis elicit humorem confusaneum, alibilem apponit sibi, rejectaneum seponit. Pabuli scilicet accessione vegetius factum interiorem intendit motum, consociat quidquid adest mole, textu, figurâ, pondere, motu quæ simile, exigit dissociabile, & velut intestini motus obicem circulari trudit ad vias vacationi convenientes, & tanquam redundans foras excludit. Bijugum incitat hunc motum aër: circumfusulus urget pressu ac elatere diverberat calidum innatum: inspiratus ipsum permeat, cum eo circumagitur, & ex stagnaturo defluens reddit ac liquidum: circuitione victus & iners expiratur, inspirationis reciprocatione renovandus. Hominis perpende naturam, quâ crescit, viget, senescit, totam comperies necessariis apponendis, inutilibus detrahendis jugiter incumbentem; statim ac illis deficitur, vel his obruitur, omni privatur motu, & vitam cum morte commutat.

**Q**UÆNAN igitur opera medicinæ, quæ cura, quis scopus? Corporis humani nata subsidio conniti debet, ut plenum exonerando levet, inane recreet instaurando, sanum æstimet ex æquo calidi innati motu, & cum eo commetiatur. Functionum integritas justâ sit utriusque ad seinvicem proportionis mensura. Hanc excedit habitus corpulentior, ad opus pigrior, vasis tumetior, statim ideo vacatione solvendus: deficit ab eâ macilentior in dies, languidior in penso, vasis flaccidior; propterea pabulatione reficiendus. Huic primâ si pareat legi & velut acui nauticæ se penitus addicat Medicus, ut rectum, sic obliquum internoscet certò, nec umquam de alteruto temerè pronuntiabit. Pensitatis deinde substantiâ, compage, temperamento corporis universi: textu, differentiis, cohesione, situ, communione, usus & officiis singularum partium diligenter examinatis dignoscet quæ sit totius, quæ partis cujusque virtus, destinatio, consensus, & conspiratio: tum quibus servetur ut lædatur causis, si sexûs, victûs, ætatis, cæli solive, anni temporum, varii vitæ defidis aut actuosæ generis, & similibus adjunctorum vires exploret, & ad connatam corporis & partium constitutionem sedulus expendat. Sua scilicet est corpori partibusque sanitas, sua ægritudo, non aliundè repetendæ, quam unde manant, & foveantur. Ist hæc rerum sensibilem concursio, & frequens vicissitudo calidum innatum continuò diffuens reparat, auget, imminuit, absุมit, diversimodè immutat, & efficit apponendo utili, & inutili seponendo par, aut impar.

*Ergò Medicina est adjectio deficientium, detractio redundantium.*

DOMINI DOCTORES DISPUTATURI.

M. Ludovicus Guillot.  
M. Joannes Baptista Fernelhuus.  
M. Joannes Depiney Peshard.

M. Philippus Fontaine.  
M. Antonius Pepin.  
M. Petrus Arcevedo, Scholarum Professor.

M. Joannes Cordelle.  
M. Petrus Yon.  
M. Antonius de Saint-Yon, Medicus Regis ordinarius, Academia Censor.

Proponebat Parisiis FRANCISCUS POUSSE, Cenomanus, Baccalaureus Medicus. A. R. S. H. 1706.